



Australian Government

Department of Health

Popuštanje ograničenja

Australija je uspješno 'izravnala krivulju' a broj novih slučajeva COVID-19 širom zemlje trenutno je vrlo nizak. Sada možemo započeti oprezne korake kako bismo olakšali neka ograničenja koja su nam pomogla da suzbijemo širenje ovog virusa.

Uvijek su bile razlike u načinu na koji se COVID-19 proširio u pojedinim državama i teritorijama. Nacionalni kabinet napravio je plan u tri koraka za postepeno uklanjanje osnovnih ograničenja od sada pa do jula, kojim se to uzima u obzir. Plan se zasniva na stručnim savjetima Glavnog australskog odbora za zdravstvenu zaštitu.

Prema planu, države i teritorije mogu se kretati kroz ove korake različitim brzinama, zavisno od njihovih okolnosti.

Kako idemo u smjeru života u COVIDSafe Australiji, svi još moramo održavati fizički razmak i koristiti higijenske mjere. Više nego ikada prije važno je ostati kod kuće ako se ne osjećate dobro, čak i ako se samo malo ne osjećate dobro.

Aplikacija COVIDSafe pomoći će i da porodice, prijatelji i zajednice budu i dalje COVIDSafe.

Naš uspjeh da ostanemo COVIDSafea kako ograničenja budu popuštala ovisi o nama - kao pojedincima - preuzimanjem odgovornosti i prihvatanjem da je takvo ponašanja dio našeg svakodnevnog života. Kad god odlazite od kuće, razmislite o tome kako ćete čuvati sebe, porodicu, prijatelje i saradnike.

Plan koji se sastoji od 3 koraka pruža Australcima veću izvjesnost o tome šta će se događati u narednim mjesecima. Za svako od glavnih područja ograničenja postoje tri ključna koraka između onoga gdje smo sada i gdje želimo biti.

Prvi koraci su oprezni jer je važno da se ne idemo prebrzo i ne izgubimo ono što smo postigli. Neke poslovne djelatnosti će se početi ponovo otvarati kada počnemo dozvoljavati grupama do 10 ljudi da budu zajedno u kući i u zajednici. Ovi prvi koraci pomoći će nam da obnovimo našu ekonomiju i pružit će nam više mogućnosti da se povežemo s porodicom i prijateljima u direktnom susretu.

Drugi koraci će se nadograđivati na to s većim okupljanjima i otvaranjem većeg broja preduzeća. Kako preduzeća budu preduzimala korake tako da osiguraju da su COVIDSafe, svi bismo se trebali osjećati sigurno i samouvjereno da možemo raditi neke stvari koje smo propustili u zadnjih nekoliko mjeseci. Neke će stvari s većim rizikom i dalje biti ograničene.

Treći koraci počinju s potpunim usvajanjem dugoročnih COVIDSafe načina života i rada. To će biti naša 'nova normalnost' sve dok virus ostaje i dalje prijetnja. Ograničenja će biti svedena na minimum. Okupljanja do 100 ljudi, međudržavna putovanja u Australiji, povećavanje sporta u zajednici i mogućnost putovanja u Novi Zeland bit će podupirana univerzalnom praksom COVIDSafe. Neka ograničenja, poput međunarodnih putovanja i masovnih okupljanja, mogu i dalje ostati na snazi.

Nacionalni kabinet će redovno provjeravati naš napredak kako bismo mogli sigurno ići naprijed.

Australija bi trebala očekivati porast broja slučajeva ili mogućih epidemija kako se ograničenja smanjuju. Ovaj plan nije napravljen za povratak u život prije COVID-19, nego da naučimo kako da živimo COVIDSafe.

Ako svi igraju svoju ulogu, izgradit ćemo COVIDSafe Australiju, u kojoj su zaštićeni i životi i sredstva za život.